



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 69. Statuta Općine Centar Sarajevo-Prečišćeni tekst ("Službene novine Kantona Sarajevo" broj 23/04), člana 14. Odluke o izvršavanju Budžeta Općine Centar Sarajevo za 2026. godinu („Službene novine Kantona Sarajevo“, broj 52/25), Pravilnika o dodjeli novčanih sredstava neprofitnim organizacijama za ishranu bosansko-hercegovačkih konja, broj:16-11-3031/26 od 04.05.2026. godine, Odluke o pokretanju postupka javnog poziva, broj:16-11-3031/26 od 04.05.2026. godine, Općinski načelnik raspisuje:

JAVNI POZIV O DODJELI NOVČANIH SREDSTAVA NEPROFITNIM ORGANIZACIJAMA ZA ISHRANU BOSANSKO-HERCEGOVAČKIH KONJA

I PREDMET JAVNOG POZIVA

Predmet Javnog poziva je dodjela novčanih sredstava neprofitnim organizacijama za ishranu bosansko-hercegovačkih konja u Budžetu Općine Centar za 2026. godinu čiji je cilj očuvanje ove pasmine na području Bosne i Hercegovine.

II FINANSIJSKA SREDSTVA

Ukupno planirana sredstva za ovu namjenu u Budžetu Općine Centar Sarajevo iznose 5.000,00 KM.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH.

III PRAVO NA DODJELU SREDSTAVA

Pravo učešća imaju neprofitne organizacije u čijem fokusu je zaštita bosansko-hercegovačkih konja uzgojenih u čistoj krvi, a otvoreno za sve formalno registrovane neprofitne organizacije.

Ovim Javnim pozivom neće se finansirati Udruženja koja nisu opravdala već dodjeljena sredstva iz Budžeta Općine Centar, ukoliko su učestvovali u sličnim Javnim pozivima Općine Centar.

IV USLOVI ZA DODJELU

Pravo na dodjelu novčanih sredstava neprofitnim organizacijama za ishranu bosansko-hercegovačkih konja može ostvariti neprofitna organizacija pod sljedećim uslovima:

- a) Da se bavi uzgojem bosansko-hercegovačkih konja u čistoj krvi;
- b) Da ima sjedište na području Bosne i Hercegovine;
- c) U čijem fokusu je rad u oblasti promovisanja zdravlja i ugroženosti ove pasmine na našim područjima kroz projekte kojima je cilj očuvanje navedene pasmine;
- d) Da vodi matičnu evidenciju konja koje uzgajaju članovi Udruženja;
- e) Da ne obavlja aktivnosti u ime političke partije;
- f) Da je blagovremeno podnijela izvještaje o utrošku prethodno dodjeljenih sredstava iz Budžeta Općine Centar ukoliko su ranije učestvovala u sličnim projektima;

- g) Da u sklopu svog rada pomaže osnivanju ergela koje su nosioci uzgoja bosansko-hercegovačkih konja;
- h) Prednost pri dodjeli novčanih sredstava ima udruženje koje je ranije upisano u Registar Udruženja kod nadležnog organa i koje je u svom dosadašnjem radu pomoglo osnivanju više ergela.

V POTREBNA DOKUMENTACIJA:

Neprofitna organizacija koja želi ostvariti pravo na dodjelu novčanih sredstava dužna je dostaviti dokumentaciju kojom dokazuje ispunjavanje uslova, u originalu ili ovjerenim kopijama:

- a) Uvjerenje o poreskoj registraciji podnosioca projekta (identifikacijski broj);
- b) Uvjerenje o izmirenim poreskim obavezama ili sporazum o odgođenom plaćanju ili plaćanju u ratama dužnih javnih prihoda;
- c) Potvrda poslovne banke da račun nije blokiran iz koje se vidi broj transakcijskog računa (ne starija od tri mjeseca od dana objave javnog poziva);
- d) Rješenje o upisu u Registar Udruženja kod Ministarstva pravde BiH;
- e) Izvod iz statistike izdat od strane Federalnog zavoda za statistiku;
- f) Spisak ergela kao i pojedinaca koji su članovi Udruženja.

Uz gore navedenu dokumentaciju predaju se ovjerene i potpisane od ovlaštenog lica sljedeće izjave:

- da podnosilac zahtjeva nije u sukobu interesa u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“ br.35/22, 44/22 i 52/22);
- neobavljanju aktivnosti u ime političkih partija.

VI NAČIN I ROK ZA PODNOŠENJE ZAHTJEVA

Javni poziv ostaje otvoren 15 (petnaest) dana od dana objavljivanja Javnog poziva u dnevnom listu, web stranici i oglasnoj ploči Općine Centar.

Popunjeni zahtjevi sa potrebnom dokumentacijom se podnose u zatvorenoj koverti na protokol Općine Centar Sarajevo ili preporučeno putem Pošte na adresu:

<p style="text-align: center;">Općina Centar Sarajevo Mis Irbina 1 71000 Sarajevo Sa naznakom „ Za Javni poziv o dodjeli novčanih sredstava neprofitnim organizacijama za ishranu bosansko-hercegovačkih konja“ „NE OTVARAJ“</p>
--

Na poledini koverta obavezno se navodi: podnosioc zahtjeva, adresa/sjedište i kontakt telefon.

Komisija će biti imenovana iz reda državnih službenika, a svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa. Konačnu odluku o dodjeli sredstva neprofitnim organizacijama za zaštitu bosansko-hercegovačkih konja donosi Općinski načelnik, a u skladu sa važećom Odlukom o izvršavanju budžeta Općine.

VII PRAVO PRIGOVORA

Podnosioci zahtjeva mogu u roku od osam dana od dana objavljivanja preliminarne liste podnijeti pismeni prigovor Komisiji za razmatranje prigovora koju imenuje općinski načelnik iz reda državnih službenika. Odluku o prigovoru, Komisija će donijeti u istom roku, računajući od dana njegovog podnošenja. Nakon okončanog postupka po prigovorima Općinski načelnik donosi konačnu odluku,

na osnovu koje se izrađuju Ugovori o raspodjeli sredstva. Na osnovu Ugovora nadležna služba za finansije vrši isplatu sredstava.

Neblagovremeni zahtjevi /prijave neće biti razmatrane.

VIII OSTALE ODREDBE

Općina Centar Sarajevo ne snosi nikakve troškove u postupku prikupljanja i podnošenja prijava na Javni poziv. Općina Centar Sarajevo ne snosi odgovornost prema učesnicima Javnog poziva u pogledu aktivnosti koje su preuzeli u cilju apliciranja.

Prispjela dokumentacija se ne vraća podnosiocu.

Sve dodatne informacije u vezi Javnog poziva mogu se dobiti na tel. 033/562-512.

Općinski načelnik

Srđan Mandić